

BE.159. MARTUA DONGAN ANGKA NA SABAGAS (C=1)

=====

B.E. 159 MARTUA DONGAN ANGKA NA SABAGAS

1. Martua dongan angka na sabagas Na mardonganhon Tuhan Jesus i
Na mangoloi Ibana mansai ringgas Na so marholang tangiangna i
Tongtong holong rohana di Ibana Manungkun lomo ni rohana i
Huhut tongtong marguru tu hataNa Dibaen sandok pangalahona i.

2. Martua baoa dohot inaina Sisadaroha mida Jesus i
Na rap marholongroha di Tuhanna Marsaulihon hatuaon i
Na sahat sian asi ni rohaNa Tu halak na porsea sasude
Ido dibaen nasida haposanna Manang beha parsorionna pe.

3. Martua na saripe, pangajari Di anakkonNa, asa tong burju.
Na so marpansohotan ganup ari. Tumangiangkon angka i tutu
Tu Tuhan Jesus asa sai Ibana Mamasumasu sasudena i
Huhut dilehon asi ni rohaNa Manogihonsa tu lambungNa i.

4. Martua dongan, angka na sajabu Parlas ni roha dibagasan Ho
O Jesus na ringkot mamasumasu angka na holong roha i di Ho
Martua ma tutu sude nasida Nang di na songop hasusaan pe
Ai sai diapul Ho rohanasida Paima ditogu Ho tu jabuMi.